

Nunatta Atuagaateqarfia 2006 Ukiumoortumik nalunaarut

Ukioq 2006 Nunatta Atuagaateqarfiani pisoqarfiusimaqisoq aallartillugu ulluinnarni suliassat nalinginnaasut saniatigut januarimi Unnuk Kulturisiorfik inaarsaammik piareersarfigalugu illup iluani ulapaarutaavoq. Nunatta Atuagaateqarfia ukiuni siuliini aamma taamaattareerluni ataqatigiissaariffiuvoq.

Aaqqissuussinerit

Unnuk Kulturisiorfik arfininngorneq 28. januar suliffeqarfiit, peqatigiiffiit allallu 46 peqataaffigaat. Tamarmik ornigarneqarluarsimallutik.

Nunatta Atuagaateqarfiani pisut ilagaat atuakkiortoq Leif Davidsen sapaammi ”Rusland i forandring” qulequtaralugu oqalugiartussa q arfininngornermi Unnummi Kulturisiorfiusumi kikkunnilluunniit naapinneqarsinnaalluni Nunatta Atuagaateqarfianiippoq..

Pisarnertut LyrikCaféqarpoq taallanik piumasut atuaasarlutik kaffisorusaajutigalugu. Aamma meeqqat Kangillinnguit Atuarfianeersut angalanissaminnut atatillugu pølsehorninik suppamillu tuniniaallutik.

Atuakkanik saqqummersitsivik Milik Publishing saqqummersitaminik tuniniaanertalimmik allalluni titartaallunilu unaminertalimmik takutitsivoq

Meeqqani assigiinngitsunik aamma pisoqarpoq. Pjerrot Danmarkimiit tikissimasoq aammalu nassamigut oqaluttartooq (bugtaler) Signe inuusaalu ”Frække Rikke” ornigarneqangaarlutik aliikkusersuippat.

Meeqqat unnuk taanna aamma qalipaallutik titartaallutiluunniit periarfissinneqarput.

Unnuk taanna avataaniit tikittunut NordBok aningaasatigut tapiissuteqarsimavoq. Tips & Lotto NAPA-lu qujanartumik unnummut tassunga aamma tapeeqqataapput.

9. marts hypnotisør Andrei Fencker hypnose atorlugu peqqissartinneq pillugu oqalugiartooq. 23. marts qanga nuutinik saqqummersitsiarfimmi ULO-mi pisortaasimasoq Carsten Sommer ”Grønlandsk musik og dens udvikling” qulequtaralugu oqalugiartooq.

Pisunut tulliuippoq nunarsuarmi Atuakkat Ulluat aprilip 23-ani ualikkumiit unnukkumut ingerlanneqartoq. Malunnartitsineq kultureqarnermut naalakkersuisumit Doris Jakobsenimit ammarneqarpoq. Inersimasuni Frederik Nielsenip båndiutai nuuteeqqanut immiunneqarsimasut digitalisererneqarsimasut pernaamik tusarnaartinneqarput. Unnukkullu Pavia Nielsen atuakkiani ”Aneerasaartut” aallaavigalugu oqalugiartooq. Pisarnertullu taallanik atuaanertalimmik cafeqarpoq. Meeqqat atuagaateqarfianni isiginnaartitsisartooq Makka Kleist kalaallisut qallunaatullu atuffassivoq. Ulloq taanna aamma Milik Publishing atuakkamik meeqqanuunik ”Appelsina timmisinnaasoq” saqqummersitsivoq. Ilanngullutik erinarsoqatigiit ”Appitta”-kut ualikkut appisimaarput.

Tulliulluni oqalugiartooq tassaavoq assaat ipai ”atuarlugit” siulittuisartooq Tahoma augustip 21-ani oqalugiartooq. Oqalugiarnera Nunatta Atuagaateqarfiata aqqissuutinngilaa kisianni illoqarfimmi attaveqaataasut oqalugiartitsineq nammineerlutik aqqissuuppaat. Nunatta Atuaagaateqarfia inimik attartortitsiinnarpoq.

Ukiup sinnerani oqalugiartut arlaqarput soorlu Reiki healing pillugu septemberip naalernerani oqalugiartooqarpoq. Oktoberimi Kima Madsen oqalugiartooq qallunaatut qulequtaralugu: ”Skab din

egen succes med network marketing”. Taakkunani aamma Nunatta Atuagaateqarfia inimik periarfissiiginnarpoq.

Kalaallisut aqqissuussamik unnuvit arlaanni oqaluttuaqattaarunneq qulequtaralugu ornigarneqarluartumik-aasiit Nunatta Atuagaateqarfia ersinartulersaartitsivoq.

Pisarneq malillugu novembarip 25-ni juullilernerani ilaqutariinnut qiortaatisisoqarpoq. Ullu taannarpiaq aamma Kalaallit Atuakkiortut suleqatigalugit Nunatta atuagaateqarfiani poesifestivalertoqarppoq.

Pisut allat taassagaanni septemberimi Katuami imminortarnermik pinaveersaartitsiniarneq pillugu seminareqartunut peqataavugut. Paarisa aamma atuakkiortut peqtigiiffiat peqatigalugit matoqqasumik bibliotekimi aqqissuisoqarpoq.

Ukiumi ammasarfiit atuutilernerat peqatigalugu qaammammut arfininngorneq siulleq atuakkanik tuniniaasoqartarpoq.

Pikkorissarnerit ataatsimeersuarnerillu.

Suliffigissarneq ingerlateqqillugu Kaalat Møller kivitsisarnermik ilitersuivoq. Sulisut ataatsimiinnerisa ilaanni kommunimi PPR-ip pisortaa Naaja Nathanielsen meeqqat sumiginnagaasut pillugit oqalugiartinneqarpoq.

Sulisunut tunngatillugu sulisut 7.-9. november kursuserput . Bibliotekarit allaffimmiullu DDELibra – grafisk bibliotekssystemimik pikkorissartinneqarput.

Martsip aallartilaarnerani Peqqissaanermut Iliniarfimmi suliffimmi imigassamut politikeqarneq pillugu Laannguaq Lynge kursuseqataavoq. Elisa Jeremiasen Katuami seminareqarpoq Nordisk Kulturfondimut Tips og Lottomullu qinnuteqariaatsimik sungiusaatit. Aamma taassuma saniatigut IKT-konferencemut peqataavoq. Juullip nipitittagaata 2006-mi saqqumneranarut atatillugu Elisa Jeremiasen oqalugiaqquneqarsimavoq. Saqqummiunneqarmallu Katuami oqalugiartuuvoq. Pikkorissarnerit ilagaattaaq oqaatsinut pikkorissarneq Tuluit Nunaanni ingerlanneqartoq. Tassani Erika Nielsen sap. ak. sisamani pikkorissaqataavoq.

Sulisut

Aprilip aallaqqaataani bibliotekarinik marlunnik suleqatitaarpugut Søren Christensen amma Niels Chresten Sørensen sulilermata. Aamma assistentit aprilip ingerlanerani sulilerpoq siornatigut maani sulereersimasoq Vibeke Huusum.

Sulisunut neqeroorutigineqarpoq Fit & Fun-imi suliffiup akileeqataaffigisaanik timigissartarnissaq piumasut akileeqataallutik peqataaffigisinnaasaat. Sulisut peqataaffigilluarpaat.

Sulisut pujortartartut pujortartarfiat ini matuneqarpoq sulisut pujortartartut ikeqimmata aammattaaq ini allatut atornmeqartussanngormat. Massakkut ini taanna kopeerivittut atorpoq.

Nunatta Atuagaateqarfia Lungeforeningemut ilaasortanngorpoq. Ukialernerani pisarnertut sulisut nuniagiarpur – tamatumuuna Sermitsiap Kangerluanut.

Tusagassiutit allallu

Ukiup ingerlanerani Nunatta Atuagaateqarfia assigiinngitsutigut tusagassiutitigut saqqumilaaruteqartarpoq. Soorlu Unnuk Kultursiorfik pillugu ataqatigiisaarisutut aammalu nunarsuarmi Atuakkat Ulluanut atatillugu. Tamakku saniatigut Frederik Nielsenip båndiutai digitalisererneqarmata KNR-kut saqqummiunneqarput.

Minnerunngitsumillu sivisuumik suliaq Nunatta Atuagaateqarfianiit nalunaaruteqarnermik aallartittoq - tassalu meeqqanik atornerluineramik pinerluut annertoq - qujanartumik

qulaajaaffigineqarluni paasineqarpoq pineqaatissiinermik sakkortuumik kingunilimmik. Suliaq tamanna tusagassiutigut sammineqartorujussuusimavoq.

Suliffinnik allanik suleqateqarneq

Danmarks Biblioteksskolemi atuartut pingasut Kalaallit Nunaanni bibliotekeqarnerup inissisimanagera ilinniartitaaneq annerusumik aallaavigalugu soraarummerutissaminnik immikkut sammillugu allaatiginnittut upernaap ingerlanerani illoqarfinni pingasuni paasiniaallutik angalapput allaatigisassaminnut atuagassaminnik paasisassarsiorlutik. Nunatta Atuagaateqarfia qanimut ajunngitsumik suleqatigaat sap. ak. maani Nuummiillutik.

Qulaani taariigarpur meeqqanik atornerluineq pillugu suliami politiit , Nuup Kommunea miljøarbejderillu qanimut suleqatigilluinnarlutit suliaq ingerlanneqarpoq.

Ukiaq 2006 aallartiffigalugu Nunatta Atuagaateqarfiani ammasarfiit allannngortinneqarput unnukkut arfinermut matusalerluta illuatigut qulinut aqqanermulluunnit ammatalerluta aammattaaq ukiuunerani sapaatikkut ammasarneq ukiut tamaasa pisussanngorluni aalajangiunneqarpoq.

Pilersaarutit

Ukiut arlalinnngortut eqqartugaareerluni atuakkat båndimut atuffassissutitut immiussat tusarnaagassat CD-ngortinnissaat pimoorullugu aallartinisarneqalerpoq.

Pilersaarut alla atuagaateqarfimmi sulianut tunngatillugu oqaatsinik atornerqartartunik (qulequttanik) kalaallisut taaguusersuineq missingersuusiorlugu ingerlanneqarpoq illup iluani bibliotekarit kalaallit peqatigalutit. Suliaq missingersuutaasoq maammassineqarpoq Oqaasileriffimmullu ingerlateqqinneqarluni.

Suliaq alla Nunatta Atuagaateqarfiata iluani pisoq tassa isaarissap skrankillu allaffiata allannngortiternera. Illussanik titartaasartut Clemt & Carlsen siunnersortigalutit suliaq ingerlanneqarpoq sanasup suliasai sanasumit Lars Peter Petersenimit suliarineqarlutik qalipagassartai qalipaasumit Heinrich Jansenimit suliarineqarlutik. Maskiinaap imminut ikiorluni atorniarnermut atortup ikkussornera Danmarkimi pisiniarfiup pisiffigisatta sulisuanit suliarineqarpoq. Pisarnertut elektronikkimut tunngasortai KIMIK IT A/S suleqatigalugu aaqinneqarput. Tamanna pivoq atorniartut nammineerlutik atukkaminnik imminnut sullissinnaalernissaanut atatillugu. Asaamera tamangajaat suliaq ingerlanneqarluni. Isaariaq tarparneruvoq qaamanerulerlunilu atuisullu tamanna iluarisimaarlugu oqaatigisarpaat

Nunaqarfiit

Kapisilinni nunaqarfimmi atuarfiup matuneqarnerata kingunerisaanik aamma atuakkanik atorniartarfeqarneq ingerlajunnaarpoq. Taamaakkaluartoq matulernerani takusarneqanngilaq aqutissat akunnattoortuarneri pissutaallutik.

